

մէջ մանիֆատւոյի առաջին կանոնաւոր տունը, որ ի վերջէ ձեռնարկեց նաև սեղանաւորական ընդարձակ գործառնութեանց և գորգի խորհրդաւո՛ր տուրևառնե-
րու՝ ամուր և բարեկշռեալ հիմերու վրայ, ինչպէս պիտի գրենք իր կարգին:

Այս միջոցին կը փայլէր նաև ճէզայիրեան Մկրտ-
տիչ՝ մեծ դրամատէր և մաքսային ու պետական ուրիշ
գործերու յանձնառու, որուն պերճամոլ և արձակաբա-
րոյ կենցաղը չո՛ւտ նուաղեցուց և նուաղեցուց զինքն
իր բարձրութիւններէն:

Նախայիշեալ վաճառականներուն հիներէն մէկ քա-
նին և հին սեղանաւորներէն մաս մը՝ 1839ին յատուկ
դրամագլխով (9 բեռ և 49131 դրշ.) բերել տուած էին
Լոնտրայէն, Պարոն Լըմուան վաճառականին ձեռքով,
Էսէքի Թինարէք անուն նաւ մը և սկսած ալ էին բանե-
ցունել զայն՝ մանաւանդ Սեւ Ծովի նաւահանգիստնե-
րը: Նաւը դժբաղդաբար վտանգեցաւ Սամսոնի առջև,
և որովհետեւ ապահովագրուած էր 12000 լիրայի՝ կարճ
դատաւարութենէ մը ետք առին փոխարէնը: Ասոր նման
ըրած են դարձեալ՝ ժամանակին հարուստներն՝ առեւ-
տրական մեծ ձեռնարկներ, ինչպէս իրենցմէ քանի մը
հոգի Շիրքէթ-ի-Սայրիյէի սկզբնաւորական գործողու-
թեանց և հաստատութեանն իսկ բաժնեկից եղած են:
Այս վերջիններէն էր Րէսիմճի Հաճի Մկրտիչ Խալիֆան՝
ծնած Կեսարիայի յայնժամու միակ հայախօս Մանճու-
սուն գիւղը, որ և 100ամեայ կնքեց իր գործօն և խո-
հեմ կեանքն Սկիւտար Իճատիյէ՝ 1899ին:

Ասոնցմէ քիչ առաջ դարձեալ՝ Կ. Պոլիսի ջոջ հա-
րուստներէն խււմբ մը՝ համախոտնութեամբ իրարու հետ
և համահաճութեամբ Պետութեան, հիմնած էր այն հըս-
կայ ընկերութիւնը սեղանաւորական, որ՝ հակառակ իր